

稱

謂

錄

稱謂錄卷七

福州梁章鉅撰

男恭辰校刊

夫之父母總稱

舅姑 儀禮期服章婦爲舅姑

尊章 姑章 姑嫜 漢書廣川王傳背尊章師古曰

尊章猶言舅姑韓愈扶風郡夫人墓誌銘協於尊章

案章或作嫜亦作姑嫜 陳琳詩善侍新姑嫜

杜甫詩妾身未分明何以拜姑嫜 蘇轍詩上事姑

嫜旁兄弟嫜章同

家老 淮南子家老異飯而食殊器而享子婦跪而上堂跪而斟酒是子婦對舅姑言爲家老

公婆 字典方俗稱舅姑曰公婆廣西徭俗則男子老者一寨呼之曰婆其老婦呼之曰公

夫之父

舅 爾雅婦稱夫之父曰舅邢疏舅者舊也 白虎通尊如父而非父者舅也

君舅 爾雅舅姑在則曰君舅君姑沒則曰先舅先姑君 列女傳我無樊衛二姬之行故君以責我 案此

婦人稱其舅曰君

若公 淮南子汜論訓宋人有嫁子者告其子曰嫁未
必成也有如出不可不私藏私藏而富其於以復嫁
易其子聽父之計竊而藏之若公知其盜也逐而去
之 案韓非子與此文略同惟若公作君公

公 妘 劉熙釋名俗謂舅曰章又曰妘一切經音義
引作俗謂舅章爲公 顏師古漢書注關中呼夫之
父曰妘 呂覽姑妘知之曰爲我婦而有外心注妘
卽翁也音鍾 案公妘古通用

和言金
卷一
丈人公 家訓書證篇古樂府歌辭先及三子次及三
婦婦是對舅姑之稱其末章云丈人且安坐調絃俱
未央古者子婦供事舅姑旦夕在側與兒女無異故
有此言又疑丈當爲大云云 海錄碎事婦呼舅爲
大人公

官 馬令南唐書翁媪怒曰自家官自家家何用多拜
耶注云浙謂舅爲官謂姑爲家 野客叢書吳人稱
翁曰官稱姑曰家

鍾 漢書廣川惠王越傳背尊章嫖以忽注今關中俗

婦呼舅爲鍾鍾者章聲之轉也

夫之父没

皇舅 儀禮士昏禮舅姑既没婦人三月奠菜祝辭曰
敢奠嘉菜於皇舅某子敢告於皇姑某氏鄭注皇君
也 案此卽爾雅之君舅君姑既没而變其文耳

先舅 見上君舅注

先子 國語魯語吾聞諸先姑又聞之先子 案先子
指先舅季悼子也

夫之母

姑 爾雅婦稱夫之母曰姑邢疏姑者故也 白虎通
親如母而非母者姑也

君姑 見上君舅注

威姑 爾雅疏姑又謂之威 說文威姑也徐鍇曰土
盛於戊土陰之主也故字從戊漢律婦告威姑是也
爾雅姑謂之威王念孫疏證曰威姑卽爾雅所謂君
姑也君與威古聲相近說文君从艸君聲讀若威是
其例也 字典婦稱姑爲威姑猶子稱父爲嚴君也

嚴姑 白居易詩六郡事嚴姑

慈姑 謝莊文慈姑兮垂矜

阿姑 顏氏家訓婦人之性率寵子壻而虐兒婦諺云
落索阿姑食此其相報也

阿家 北史齊文宣以姪女樂安公主妻崔達孛嘗問
公主達孛於汝云何答云甚相敬惟阿家憎兒文宣
乃殺其母又南史范蔚宗臨刑其妻罵之曰君不爲
百歲阿家作計蔚宗母泣責蔚宗仍以手擊其頸蔚
宗妻曰罪人阿家莫念

大家 因話錄商部崔吏部樞夫人太尉西平王女也

西平生日中堂大宴方食有小婢附崔氏婦耳語久之崔氏婦頷之而去有頃復至王問曰何事女對曰大家昨夜小不安適使人往候王擲筯怒曰我不幸有此女大奇事汝爲人婦豈有大家體候不安不檢校湯藥而與父作生日

家 見夫之父稱官注

夫之母沒

皇姑 禮記曾子問不祔于皇姑又見皇舅注

先姑 晉姜嵬銘余惟嗣朕先姑 國語吾聞諸先姑

又見上先舅注

先姑氏 韓愈監察御史元君妻京兆韋氏夫人墓誌
銘及得其良夫又受教於先姑氏

夫之繼母

繼姑 漢李翊夫人碑繼姑入室勤養拳拳見碑版廣
例

夫之庶母

少姑 爾雅夫之庶母爲少姑

夫之兄

兄公 妘 爾雅夫之兄爲兄公郭注今俗呼兄鍾語
之轉耳 案兄公之公陸德明釋文作妘宋本作公
據禮記孔疏云俗本女旁置公轉誤也又引皇侃云
婦人謂夫之兄爲公者須公平尊稱也集韻妘音鍾
夫之兄也蓋據釋文言之

兄章 兄公 釋名夫之兄俗閒曰兄章章灼也灼灼
敬奉之也又曰兄公是已所敬忌見之怔忡自肅齊
也 案公亦卽妘字之異文耳怔忡一切經音義引
作忡遽又引作忡懼亦與此文異義同

兄嫜 韻會夫之兄曰夫嫜此嫜字多一女旁兩存之
以備參考或作倬

伯 五代史補李濤弟澣娶婦竇氏出參濤濤答拜澣
曰新婦參阿伯豈有答禮 容齋隨筆陳恭公以曾
公亮除天章閣待制陳之弟婦曾出也陳語之曰六
新婦曾三做從官想甚喜應聲對曰三舅荷伯伯提
攜極喜 案婦稱夫兄爲伯不見於經典然以爾雅
稱夫弟爲叔例之則夫兄亦可爲伯耳

兄伯 頻羅菴遺集云容齋三筆中有一則云容齋使

金辟景孫弟輔行弟婦在家作青詞云頃因兄伯出使夫壻從行蓋借用陳平傳兄伯之語而自不以爲然改用爾雅兄公云云然二字旣經宋人造語亦可以備一典

夫之兄妻

姆姆 呂祖謙紫薇雜記呂氏母母受孀房婢拜孀見母母房婢拜卽答今俗兄婦呼弟妻爲孀孀弟婦呼兄妻爲姆姆卽母母也

夫之弟

叔 小叔 爾雅夫之弟爲叔 釋名叔少也幼者稱也叔亦俶也見嫂俶然卻步也 史記蘇秦見季子位高金多譙周曰蘇秦字季子索隱云案其嫂呼小叔爲季耳未必卽其字

長叔 左昭二十八年傳伯石始生子容之母走謁諸姑曰長叔嬖生男孔疏子容是伯華之子其兄弟伯華最長叔向次之其餘諸弟皆小於叔向也故謂叔向爲長叔

小郎 晉書謝道韞爲小郎解圍又王衍妻郭氏謂王

澄曰昔先人臨終以小郎屬新婦不以新婦屬小郎
叔郎 文選任昉奏彈劉整謹案齊故內史劉寅妻訴
列稱出適劉氏二十許年劉氏喪亡撫養孤弱叔郎
整恆欲傷害侵奪 案海錄碎事引任彥升彈文叔
郎小郎也

夫之弟妻

媼媼 見兄妻稱媼媼注

夫之姊

女公 爾雅夫之姊爲女公

女媧 禮記昏義疏女媧謂婿之姊也 案媧卽公之

俗字

夫之妹

女妹 爾雅夫之女弟爲女妹注今謂之女妹是也錢

大昕曰女妹恐是女叔之誤若經本作女妹則爾雅

注云云無謂臧鏞曰夫之兄爲公故其姊爲女公弟

爲叔故其妹爲女叔梁玉繩曰夫之妹稱女妹亦稱

女叔不可謂誤 案漢書薛宣傳女敬武公主怒元

后曰嫂何與取妹後漢書曹大家女誠屢言叔妹嫂

妹女妹豈得並指爲誤文耶後漢書列女傳昭女妹
曹豐生注昭壻之妹也

女叔 禮記昏義疏女叔謂壻之妹也 表異錄小姑

曰女姁亦曰女叔

妹 說文妹夫之女弟也徐鍇曰曹大家女誠所謂媵
妹也

叔妹 後漢書曹世叔妻傳婦人之得意於夫主由舅
姑之愛已也舅姑之愛已由叔妹之譽已也

小姑 王建新嫁娘詩未諳姑食性先遣小姑嘗 古

樂府焦仲卿妻詞云卻與小姑別淚落連珠子 顧

况棄婦詞回頭語小姑莫嫁如兄夫 案婦謂夫之

妹曰小姑

夫之姊妹之夫

姑夫 因話錄商部范陽盧仲元妻崔氏兄得金一瓶
密埋室內臨終戒其妻李氏云慎勿言於人他日盧
郎中來可告也未幾盧經洛中弔崔氏之孤訖李使
婢傳語曰新婦有哀迫之事須面見姑夫

妻之父

外舅 爾雅妻之父爲外舅 釋名言妻從外來謂至

已家爲婦故反以此義稱之夫妻匹敵之義也

孟子帝館甥於貳室注禮謂妻父曰外舅 案汪氏

堯峰曰男子謂妻父曰外舅母曰外姑蓋彼以我父

爲舅我亦從而舅之懼其同於母黨也故別曰外舅

彼以我母爲姑我亦從而姑之懼其同於父黨也故

別曰外姑

舅 禮記坊記壻親迎見於舅姑鄭注舅姑妻之父母

也 三國蜀志先主傳獻帝舅車騎將軍董承裴松

之注董承於獻帝爲丈人也古無丈人之名故謂之舅

妻父 宋史張詠傳有民家子與姊婿訟家財婿曰妻父臨終此子三歲有遺書令異日以十之三與子餘七與婿詠曰汝妻父智人也以子幼故託汝亟命以

其七貽子餘三貽婿人服其明斷

婦父 世說太傅謝安王國寶婦父也

婦公 後漢書第五倫傳光武戲謂倫曰聞卿爲吏勞婦公有之耶倫對曰臣三娶妻皆無父 晉書衛玠

傳玠妻父樂廣有海內重名議者以爲婦公冰清女

婿玉潤

婦翁 魏志太祖紀伯玉三娶孤女謂之搃婦翁

丈人 唐書杜黃裳之婿韋執誼爲相黃裳勸其請太

子監國執誼曰丈人甫得一官奈何啟口議禁中事
柳宗元與楊京兆憑書云再拜獻書丈人座前又祭
楊憑詹事文云昭祭於丈人之靈

岳丈 陔餘叢考婦翁曰岳丈其說不一或曰晉樂廣
爲衛玠妻父岳丈蓋樂丈之訛釋常談則曰因泰山

有丈人峰故也。案泰山有丈人峰而玉匱經青城山黃帝亦封爲五岳丈人世俗以婦翁有丈人之稱而丈人又有山岳之典遂引以爲美稱耳晁氏客語引開元十三年封禪泰山三公以下例遷一階張說爲封禪使其壻鄭鑑自九品驟至五品會大宴明皇訝之黃幡綽曰泰山之力也因此以丈人爲泰山然則唐時已有泰山及岳丈之稱矣又黃潛筆記謂漢郊祀志大山川有嶽山小山川有嶽壻山嶽而有壻則嶽可以稱婦翁矣世俗之稱未必不因此又因山

嶽而轉爲泰山耳

父娒 方言南楚瀑沔之間稱父考曰父娒 廣雅妻

之父謂之父娒注娒音多

外父 潛居錄馮布贅於孫氏其外父有煩惱事輒曰

俾布代之

冰叟 蘇軾次王郎韻慶生日詩竭從冰叟來游宦

冰翁 游宦紀聞又二里有亭曰輔龍乃先兄之冰翁

董熠字季興所創向爲瑞安邑大夫 案熠字乃熠

字之誤葉水心集及郡邑志皆作熠又見卷六亦云

先兄岳翁

婚 爾雅婿之父爲姻婦之父爲婚

妻之母

外姑 爾雅妻之母爲外姑 李商隱有爲外姑隴西
郡君祭張氏女文

姑 禮坊記見上妻之父稱舅注

母娒 方言南楚瀑淮之間謂父妣曰母娒 廣雅妻
之母謂之母娒王念孫曰說文江淮之間謂母爲媪
媪與娒聲義相通

岳母 漫笑錄毘陵有成郎貌不揚岳母陋之曰我女
如生菩薩乃嫁一麻胡命成作詩乃操筆大書云一
麻兩好世閒無好女如何得好夫高捲珠簾明點燭
試教菩薩看麻胡

丈母 猗覺寮雜記今專稱外姑曰丈母柳子厚有祭
楊詹事丈人獨孤氏丈母文則知唐已如此 六硯
齋二筆趙子昂有與管公札云上覆丈人節幹丈母
縣君 恆言錄顏氏家訓云中外丈人之婦猥俗呼
爲丈母士大夫謂之王母謝母是凡丈人行之婦並

稱丈母也通鑑韓滉謂劉元佐曰丈母垂白不可更帥諸婦女往填宮也注峴與元佐結爲兄弟視其父爲丈人行故呼其母爲丈母也今則惟以妻母爲丈母矣

秦水 合璧事類俗呼妻母爲泰山此何義耶 案此卽因妻父之爲泰山而推之知此稱宋時已然耳

妻之伯叔

列嶽 合璧事類青城山爲五嶽之長今名丈人山今世俗呼人婦翁爲合嶽妻之伯叔爲列嶽

叔丈人 任淵黃山谷詩注王慶源爲東坡叔丈人

妻之兄弟

舅 新唐詩朱延壽傳楊行密妻延壽姊也行密曰得

舅代我無憂矣

通鑑二百六十
四卷作三舅

五代史四夷附錄

蕭翰之妹嫁德光契丹呼翰爲國舅 元史忠義傳

桂完澤與其妻弟金德爲賊所執完澤呼曰金舅舅

子漢卽死不可聽賊 恆言錄云案釋親姊妹之夫

爲甥妻之兄弟爲甥謂我舅者吾謂之甥旣互稱甥

亦可互稱舅矣乃後世妻之兄弟獨得舅名蓋從其

子女之稱遂相沿不覺耳晉人每稱婿爲郎世俗因有郎舅之語諺云至親莫如郎舅

內兄 杜牧詩應笑內兄年六十 梁書韋叡傳叡內

兄王澄

內弟 家廟碑祖昭甫工書與內弟殷仲容齊名謂妻之弟

弟 唐殷府君夫人碑內弟曜卿允南

婦兄 北齊書崔昂傳婦兄妹夫俱省罪過

婦弟 世說注和嶠婦弟王濟 北齊書鄭元禮傳但

知妹夫疏於婦弟

妻兄 史記孔子世家子路妻兄顏濁鄒案卽左傳之
顏涿聚事見哀公二十四年

親客 避暑漫鈔秦會之有十客王會以婦弟爲親客
甥 外甥 爾雅妻之昆弟爲甥 釋名釋親屬妻之
舅弟曰外甥其姊妹女也來歸已內爲妻故其男爲

異姓之甥

婚兄弟 爾雅婦之黨爲婚兄弟

私親兄弟 禮記內則婦若有私親兄弟

妻之兄弟之妻

妻嫂 南史張敬兒徵爲護軍於密室屏人學揖讓答

對空中俯仰妾侍竊窺笑焉將拜三司謂其妻嫂曰

我拜後府開黃閣因口自爲鼓吹聲 案近通稱曰

舅嫂

妻之兄弟之子女

姪 爾雅妻黨女子謂舅弟之子爲姪鄭樵注左傳曰

姪其從姑今男子謂舅弟之子亦然據古人謂兄弟

之子其男子爲子其女子爲姪故姪之字從女此本

義也後人訛則通謂姪 禮曲禮下大夫不名世臣

和言金 卷一
姪娣疏姪是妻之兒女 國語周語則我皇妣太姜
之姪注女子謂兄弟之子男女皆曰姪 案字典妻
之兄弟之子妻稱之亦曰姪今所謂內姪也據此則
內姪之稱亦從俗也如內姑丈內表弟之類

舅子 北史外戚傳開皇初濟南郡上有男子呂永吉
自稱有姑字苦桃嫁爲楊某妻勘驗知是舅子

媵者 儀禮士昏禮媵御餽姑酌之疏古者嫁女必姪
娣從謂之媵者又雖無娣媵先注娣尊姪卑若或無
娣猶先媵客之也 案姪乃妻兄弟之女娣卽其妹

也

妻之兄弟之孫

歸孫 爾雅謂姪之子爲歸孫 儀禮喪服父之姑鄭

注歸孫爲祖父之姊妹服也

妻之姊妹

姨 爾雅妻之姊妹同出爲姨郭注同出謂俱已嫁詩

邢侯之姨又左傳莊十年蔡哀侯娶於陳息侯亦娶

焉息嬀過蔡蔡侯曰吾姨也止而享之又說文妻之

女弟同出爲姨

梯 釋名妻之姊妹爲梯梯弟也言與已妻相長弟也
詩韓弈諸梯從之釋文妻之女弟爲梯

妻妹 魏志桓階傳劉表辟階爲從事祭酒欲妻以妻
妹蔡氏階自陳已結婚拒而不受

內妹 三國魏志夏侯淵傳淵妻太祖內妹

姨妹 劉義慶世說孫秀降晉武帝妻以姨妹 因話

錄商部伯父高陵府君夫人韋氏卽兵部之姨妹也
兵部指兵部員外郎李約

妻之姊妹之夫

亞 爾雅兩婿相謂爲亞注詩曰瑱瑱姻亞 釋名婿

相謂爲亞者言每一人取姊一人取妹相亞次也又
並來女氏門則姊夫在前妹夫在後亦相亞而相倚
其成其禮也

友婿 漢書嚴助傳家貧爲友婿富人所辱師古曰友
婿同門之婿也 釋名釋親屬曰友婿者言相親友
也

僚婿 爾雅注今江東人呼同門爲僚婿

大姨夫 小姨夫 合璧事類歐陽修與王拱辰同爲

薛簡肅公婿文忠先取其長女王取其次後文忠再
取其妹故有舊女婿爲新女婿大姨夫作小姨夫之
句

連袂

連袂

連襟

馬永卿嬾真子江東人呼爲僚

婿北人呼連袂又呼連袂袂袂同亦呼連襟 容齋

三筆從兄在泉幕淮東使者其友婿也發京狀薦之

爲作謝啟云襟袂相連夙愧末親之孤陋雲泥懸望

分無通貴之哀憐皆用杜詩上句乃用李十五丈云

孤陋忝親末等級堪比肩人生意氣合相與襟袂連

此事適著題而與前送章書記詩句偶可整齊用之
是宋人已有此稱也 能改齋漫錄李參政昌齡家
女多得貴婿參政范公仲淹樞副鄭公戩皆用小官
布衣選配爲連袂

妻之兄弟之女之夫

上下同門 因話錄商部姑之婿與姪之婿謂之上下
同門

妻之姊妹之子

妻孫 梁書裴邃傳其妻甥王篆之密啟高祖云裴邃

和言錄 卷一
多大言有不臣之節由是左遷始安太守汪師韓曰
妻甥者妻姊妹之子也

妾之兄弟

私兄弟 儀禮喪服記凡妾爲私兄弟如邦人鄭注私
兄弟目其族親也敖氏曰經正言妾之服其私親者
惟有爲父母一條又案惟諸侯夫人天皇后則不爲
兄弟服耳天子諸侯之妾亦未必爲兄弟服

小妻弟 小婦弟 漢書谷永傳注如淳曰王鳳上小
妻弟以納后宮以嘗字乳王章言之坐死 蜀志馬

超傳初超未反時其小婦弟种留三輔

稱謂錄卷八

福州梁章鉅撰

男恭辰校刊

姊

姊 爾雅男子謂女子先生爲姊 白虎通姊者咨也

徐鍇云以其先生言可咨問 釋名姊積也猶日始

出積時多而明也 案姊俗作姐字典今俗弟呼女

兄爲姐頻羅菴遺集云今人呼少艾曰姐繁欽與魏

文帝賤自左驥史納蹇姐名倡入文始此東坡有趙

成伯席上贈所出妓川人楊姐然則今人皆以姐稱

和詩錄 卷八
一
女兒亦可怪矣

姊姊 司空圖鐙花詩姊姊教人且抱入遂他女伴卸
頭遲

老姊 晉書郭奕傳奕有寡姊隨奕之官姊下僮僕多
有姦犯而爲人所糾奕省案畢曰大丈夫豈當以老
姊求名遂遺而不問

賢姊 陸士龍答車茂安書賢姊上下當爲喜慶

貴姊 西京雜記趙飛燕女弟在昭陽殿遺飛燕書曰
貴姊懋膺洪冊

阿姊 木蘭詩阿姊聞妹來當戶理紅妝 李賀謝秀

才妾詩月明啼阿姊 李商隱嬌兒詩階前逢阿姊

姊姐 劉基聽蛙詩村童叫噪聾學究悍婦勃谿喧姊
姐

女兒 說文姊女兒也 史通史記世家云趙鞅諸子

無卹最賢然僞會鄰國進計行戕俾同氣女兒摩笄
引決焉得謂之賢哉 山堂肆考宋司馬光五六歲

弄胡桃女兒爲脫其皮 黃庭堅詩稍慧女兒誇

嬾 字典姊謂之嬾 廣韻兒氏切集韻忍氏切並音

余

對人自稱其姊

家姊 北史高道穆爲京邑魏帝姊壽陽公主不避道
道穆令卒棒破其車帝他日見道穆曰家姊行路相
犯深以爲愧 列女傳袁次陽取馬季長女問曰賢
姊未嫁而卿先行有何汲汲答曰家姊有宋伯姬之
風家君庶堯之配舜世乏此賢故其躊躇

長姊

伯姊 詩遂及伯姊傳先生曰姊

次姊

中姊 後漢書章德竇皇后傳梁貴人年十六以建初二年與中姊俱選入掖庭爲貴人

小姊 三國志龐統傳龐德公之子字山民娶孔明小

姊一作小姊

姊在室

處姊 後漢書列女傳袁隗妻馬融之女也初成禮隗問曰弟先兄舉世以爲笑今處姊未適先行可乎對曰妾姊高行殊邈未遭良匹不似鄙薄苟然而已

姊沒

亡姊 見祖條

方言稱姊

嬖 離騷女嬖之嬖媛註女嬖屈平姊 案說文楚謂

姊爲嬖

嬖 廣韻嬖齊人呼姊也

媯孟 博雅姊也方言廣雅並作媯孟

孟 方言廣雅孟姊也 案左傳惠公元妃孟子孔疏

妾子長於妻子則稱孟是古以孟稱其長女也其後

乃以之稱姊

大 字彙補有妣字注姊稱也 沈亦然寄傲軒隨筆

云湖州人呼姊爲大而仍連行第長曰大大二曰二
大三曰三大嘗怪其鄙陋無義而不知其所由來也
邦 見兄稱邦注

妹

妹 爾雅後生爲妹 白虎通妹者末也 釋名妹昧

也 莊子釋文引作未也 猶曰始入厯時少尙昧也

女弟 說文妹女弟也 史記佞幸傳延平女弟善舞

上見心悅之應劭風俗通義鬼物持其女弟

娣 穀梁隱二年傳注伯姬之娣 釋文女弟曰娣女

子同生謂後生爲娣於男則言妹也

季妹 北魏司馬景和妻誌銘 陳郡府君之季妹見

碑版廣例

幼妹 白居易詩復有雙幼妹笄年未結縈

小妹 王維詩小妹日成長兄弟未有娶

稱人之妹

令妹 左思贈妹詩峩峩令妹應期誕生 案此自稱

其妹也今皆以此稱人

方言稱妹

媼 說文楚人謂女弟曰媼 公羊桓二年傳若楚王

之妻媼何休注媼妹也 唐書宗室傳同安公主高

祖同母媼也

同祖姊妹

從父姊妹 儀禮喪服小功章從父姊妹注父之昆弟

之女 案此條題目宜改爲同祖姊妹與同祖兄弟

體例一律

從妹 左莊八年傳連稱有從妹在公宮 南史錢道戢傳陳武帝徵時以從妹妻焉

同曾祖姊妹

從祖姊妹 儀禮喪服緦麻三月章從祖姑姊妹適人者 案爾雅有父之從祖姊妹所稱從祖姊妹卽同曾祖姊妹也

同母異父姊妹

外妹 左成十一年傳聲伯嫁其外妹於施孝叔 案此蓋同母異父之妹也由此推之當亦有外姊之稱

姊之夫

甥 爾雅姊妹之夫爲甥

私 爾雅女子謂姊妹之夫爲私 詩譚公惟私孔疏

謂吾姨者我謂之私 釋名姊妹互相謂夫曰私言
於其夫兄弟之中此人與已姊妹有恩私也

姊夫 釋名兩壻相謂爲亞並來女氏則姊夫在前妹
夫在後亦相亞也 漢書霍光傳延見姊夫昌邑關

內侯三國魏志引諸公贊云甄憲爲人貞素加以世
祖姊夫是以遂貴當世 蜀志來敏傳敏隨姊夫奔

荊州 吳志呂蒙傳依姊夫鄧當

姊壻 後漢書耿秉傳天子姊壻 晉書荀顗傳幼爲

姊壻陳羣所賞

妹之夫

妹夫 漢書王子侯表陸侯延壽坐知女妹夫亡命笞

二百 三國志孫奐傳壹之妹夫也 晉書裴憲傳

東海王越盾妹夫也

妹丈 謝承後漢書胡毋班王匡之妹丈

妹壻 三輔決錄云趙岐取馬續女宗姜爲妻續兄子

融岐曰妹婿之故屈志於融 白居易詩覓得黔婁

爲妹婿可能空寄蜀茶來

媚婿 唐書李密傳依媚婿雍邱令邱君明媚婿卽嫁婿也

從妹夫 三國魏志武帝紀引魏書曰太祖從妹夫漢疆侯宋奇被誅

姊妹之子

出 爾雅男子謂姊妹之子爲出 左傳莊二十二年 陳厲公蔡出也文十四年齊出糴且長成十三年康

公我之自出襄二十五年蔡人欲立其出昭四年徐子吳出也杜注姊妹出嫁而生子公羊定八年傳云臨南者陽虎之出也

姪 爾雅女子謂姊妹之子爲姪

甥 儀禮喪服總麻三月章甥鄭注姊妹之子 爾雅謂我舅者吾謂之甥 釋名舅謂姊妹之子爲甥甥生也出配他男而生故其制字男旁作生也

宅相 晉魏舒少孤爲外家甯氏所養甯氏起宅相者曰當出貴甥舒曰爲外家成此宅相 北史李繪貌

端偉第五舅河閒邢宴每與言歎其高遠曰若披雲霧如對珠玉宅相之寄良在此甥後世遂以宅相稱甥

名甥 李商隱詩乞墅有名甥

賢甥 王維詩似舅卽賢舅

外甥 杜甫詩劉牢出外甥 元稹詩牽車小外甥

案困學紀聞載車永茂安外甥石季甫見使爲鄮令則晉人已有外甥之稱杜甫詩非其始也茂安與陸士龍書云老人及姊自聞此問不能復食季甫爲茂

安之姊子也 南史王延之與阮韜俱劉湛外甥

外生 世說王子敬兄弟見郗公躡履問訊甚修外生
禮又云桓豹奴是王丹陽外生形似其舅 衛玠別
傳王濟玠之舅嘗語人曰昨日吾與外生共坐若明
珠之在側朗然來照人

養甥 宇文適庾信集序以陸機之愛弟若韓康之養
甥

姊子 史記黯字長孺司馬安是其姊子 漢書顏安
字公孫陸孟姊子也

從甥 晉書郭奕傳時鍾會反於蜀荀勗卽會之從甥
姊妹之子

外甥女 柳宗元有祭崔氏外甥及崔氏外甥女文

姊妹之孫

離孫 爾雅謂出之子爲離孫 釋名出之子曰離孫
言違離已也

從孫甥 左哀二十五年傳太叔疾之從孫甥也杜注
姊妹之孫爲從孫甥與孫同列

彌甥 左哀二十三年傳宋景曹卒季康子使冉有吊

且會葬日以肥之得備彌甥注彌遠也父之舅氏故稱彌甥案女之子亦備此條

甥孫 韓愈唐故江西觀察使韋公墓誌銘公既孤以甥孫從太師魯公真卿學

高祖之姊妹

高祖王姑 爾雅高祖王父之姊妹爲高祖王姑

曾祖之姊妹

曾祖王姑 爾雅曾祖王父之姊妹爲曾祖王姑

曾老姑 杜甫送重表姪王砮詩我之曾老姑爾之高

祖母

老一作祖

高祖之姊妹之曾孫 高祖母之兄弟姊妹之曾

孫 曾祖之姊妹之孫 曾祖母之兄弟姊妹之

孫

重表伯叔 案杜詩云我之曾老姑爾之高祖母則王

砮乃其曾祖之姊妹之元孫也與祖之姊妹之曾孫

及父之姊妹之孫其稱謂自當有別故加一重字而

稱之曰重表姪由此以推我謂之重表姪者彼亦謂

我爲重表伯叔則杜甫爲王砮高祖母之兄弟之曾

孫碭當稱杜甫爲重表伯叔也由此知高曾以來之
中表親皆當稱曰重表則由高祖母之兄弟之曾孫
而推之凡高祖之姊妹之曾孫高祖母之姊妹之曾
孫與曾祖之姊妹之孫曾祖母之兄弟姊妹之孫皆
當稱之曰重表伯叔矣由曾祖之姊妹之元孫而推
之凡曾祖母之兄弟姊妹之元孫與高祖之姊妹之
來孫高祖母之兄弟姊妹之來孫皆當稱之曰重表
姪矣抑且知高祖之姊妹之元孫高祖母之兄弟姊
妹之元孫與曾祖之姊妹之曾孫曾祖母之兄弟姊

妹之曾孫亦皆必稱之曰重表兄弟而與表兄弟有別

高祖之姊妹之來孫 高祖母之兄弟姊妹之來孫 曾祖之姊妹之元孫 曾祖母之兄弟姊妹之元孫

重表姪 見上

高祖之姊妹之元孫 高祖母之兄弟姊妹之元孫 曾祖之姊妹之曾孫 曾祖母之兄弟姊妹之曾孫

重表兄弟 見上

祖之姊妹

王姑 爾雅王父之姊妹爲王姑 太玄經利於王姑
不利公家

諸祖姑 集異記韋侍御華山遇老翁引見諸祖姑及
阿婆等見路史發揮卷第六

祖之姊妹之子 祖母之兄弟姊妹之子

中外丈人 家訓書證篇有中外丈人之稱案中
外猶言中表也

表丈人 太平廣記述崔圓事云表伯父曰表丈人

外伯父 李綱撰黃伯思墓誌銘有此稱見東觀餘論

後

祖之姊妹之子婦 祖母之兄弟姊妹之子婦

丈母 王母 謝母 家訓風操篇中外丈人之婦猥

俗呼爲丈母士大夫謂之王母謝母云而陸機集有
與長沙顧母書乃其從叔母也今所不行

祖之姊妹之孫 祖母之兄弟姊妹之孫

從表兄弟 朱子祭劉其父文自稱從表弟 案宋史

劉鋹本傳鋹字共父爲劉子羽長子而朱子爲徽猷閣待制劉子羽讓神道碑自稱從表姪則子羽必非朱子父姊妹之夫子共父亦必非朱子父姊妹之子矣又朱子年譜朱子母祝孺人爲歙州祝處士確之女而共父姓劉則共父亦必非朱子母兄弟之子矣據杜詩重表姪乃其曾祖之姊妹之元孫則朱子自稱從表弟從表弟亦當與僅稱表字者有別殆自祖以來之中表親也蓋祖之姊妹之孫及祖母之兄弟姊妹之孫稱之曰從表兄弟正與同祖兄弟謂之從

父昆弟同祖姊妹謂之從父姊妹同一義例然則自稱從表姪者亦必其祖之姊妹之曾孫或祖母之兄弟姊妹之曾孫也唐李衛公有與某侍郎帖自稱從表兄宋史文同傳云蘇軾同之從表弟也亦當與朱子之稱從表弟一例觀

祖之姊妹之曾孫 祖母之兄弟姊妹之曾孫

從表姪 注見上又朱子祭汪尙書文亦自稱從表姪
父之姊妹

姑 儀禮喪服大功章姪丈夫婦人報傳謂我姑者吾

謂之姪 爾雅父之姊妹爲姑 左僖十五年傳姪
其從姑 汪琬曰凡父黨之尊者由父推之皆父之
屬世父叔父是也至父之姊妹則不可謂之父不可
謂之父其可謂之母乎二者皆不可以名故聖人更
名曰姑

姑姊妹 儀禮喪服大功章姑姊妹女子子適人者公
羊莊三年傳請後五廟以存姑姊妹注謂父之姊妹
也

姑姊 左襄二十一年傳季武子以公姑姊妻之疏引

劉炫規過云古人謂姑爲姑姊妹此姑姊襄公父之
姊列女傳齊攻魯見一婦攜一兒抱一兒而逃軍
且及之棄其所抱抱其所攜而走於山兒隨而啼婦
人不顧齊將追及問抱者誰棄者誰對曰所抱者兄
之子所棄者己子也力不能兩存故忍棄子於是齊
將按兵而止曰魯未可伐也婦人猶行義况朝臣士
大夫乎魯君聞之賞婦人東帛百端號曰義姑姊

姊妹 左襄十二年孔疏父之姊爲姑姊父之妹爲姑
妹列女傳梁有節姑姑入火而救兄子是謂父妹爲

姑妹也又襄二十一年釋文或曰列女傳稱梁有節
姑妹謂父之妹也 案今檢列女傳各原本本文皆作
梁節姑姊其傳云梁節姑姊者梁之婦人也因失火
兄子與已子在內欲取兄子輒得其子獨不得兄子
火盛不得復入婦人將自趣火武梁祠畫象亦作姊
近人汪遠孫妻梁氏端校云傳言兄子妹字是

女伯 女叔 見六典

伯姑 呂本中寄材仲弟詩伯姑無恙時令我與子友
諸姑 詩問我諸姑

老姑 李商隱有祭韓氏老姑文

仁姑 潘岳南陽長公主誄國之仁姑

內賓 儀禮主人洗獻內賓於房中注內賓姑姊妹也
丈人 風操篇吾嘗問周宏謙曰父母中外姊妹何以
稱之周曰亦呼爲丈人自古未見丈人之稱施於婦
人也吾親表所行若父屬者爲某姓姑母屬者爲某
姓姨

對人自稱其父之姊妹

家姑 風操篇凡言姑姊妹女子子已嫁則以夫氏稱

種言錄 卷六
之在室則以次第稱之言禮成他族不得云家也蔡
邕書集呼其姑女爲家姑家姊

父之姊妹沒

亡姑 見祖條

方言稱父之姊妹

漢了彌 雞林類事方言姑曰漢了彌

父之從父姊妹

從祖姑 爾雅父之從父姊妹爲從祖姑

從姑 世說皇甫謐有從姑子梁柳爲城陽太守

父之從祖姊妹

族祖姑 爾雅父之從祖姊妹爲族祖姑

父姊妹之夫

姑壻 北齊書高隆之傳本姓徐氏爲姑壻高氏所養
因從其姓

姑夫 三國蜀志李恢傳姑夫爨習爲建伶令 南史
范雲傳六歲就其姑夫袁叔明讀毛詩 五代史石
敬瑭入篡時皇后云姑夫 述異記河閒郡有聖姑
祠鄉人置東海公像於聖姑祠側呼爲姑夫

方言稱父之姊妹之夫

孛賴 眞臘國呼姑夫爲孛賴

父之姊妹之子

甥 爾雅姑之子爲甥

外兄弟 儀禮喪服總麻三月章姑之子注外兄弟也

疏姑是內人以出外而生故曰外兄弟 後漢書來

歛傳君叔雖單車遣使而陛下之外兄也注光武之

姑子故曰外兄也 晉書皇甫謐傳姑之外弟梁柳

從內兄 文選傅長虞贈何劭王濟詩序云朗陵公何

敬祖咸之從內兄謂姑之子國學祭酒王武子咸從姑之外孫也

中表 表兄 表弟 並見母之兄弟之子注

父之姊妹之女

外宗 禮記喪大記外命婦率外宗哭於堂上北面注

外宗姑姊妹之女

父之姊妹之孫

表姪 見母之兄弟姊妹之孫注

子之妻

婦 爾雅子之妻爲婦 春秋逆婦於齊注稱婦有姑
之辭又見上舅姑門

來婦 禮記三月而廟見稱來婦也疏舅姑亡者婦人
三月之後於廟中以禮見於舅姑其祝辭告神稱來
婦 儀禮士昏禮婦執筭菜祝帥婦以入祝告稱婦
之姓曰某氏來婦

主婦 禮記曾子問宗子雖七十無無主婦非宗子雖
無主婦可也

媳 字彙俗謂子婦曰媳 劉跂學易集有穆府君墓

誌云女嫁唐誦我姑之媳 頻羅菴遺集云偶見宋
拓東坡帖作媿婦查字書不載此字不知何本慶元
六年龔大雅義井題記亦有媳帑之稱

媳婦 元史裕宗徽仁裕聖皇后傳后性孝謹善事中
宮世祖每稱之爲賢德媳婦

方言稱子之妻

心抱 小知錄廣州謂新婦曰心抱

長子之妻

冢婦 禮記內則介婦請於 婦註介婦卽衆婦也

庶子之妻

介婦 禮記內則介婦雖有勤勞無敢掉磬方言齊人相絞訐謂之掉磬又見豕婦注

子之女

女孫 儀禮喪服小功章孫適人者注孫者子之子女孫在室亦大功也 漢書張安世傳其女孫敬爲霍氏外屬婦當相坐 案儀禮喪服大功章庶孫賈疏女孫在室與男孫同

孫 韓愈清邊郡王楊燕奇碑夫人清夷郡太守祐之

孫漁陽郡長史獻之女 案儀禮經文單稱孫字之

注疏乃以女孫釋之則金石文字自當單稱孫字爲

正

子之婿

孫婿 益公題跋右馮文簡公與其孫婿朱文靖公書

韓愈祭李氏二十九娘子文樊汝霖注云公之姪孫
女也其李妻歟公嘗誌於墓曰李千余兄孫婿也

孫之妻

孫婦 儀禮喪服期服章適孫傳曰何以期也不敢降

種言錄 卷八
其適也有適子者無適孫孫婦亦如之

孫之女

曾孫女 儀禮記疏案曰若卑屬功總之服曾孫女成
人在室當亦同

女之夫

壻 儀禮喪服總麻三月章壻鄭注女子子之夫也爾
雅女子子之夫爲壻 左傳文八年晉侯使解揚歸
匡戚之田於衛且復致公壻池之封注公壻池晉公
女壻 案壻從胥士儒者之稱說文或作婿音與細

同俗多誤呼絮

聳 聳 聳 聳 聳 案此皆墻之異文也禮記昏

義墻執雁入釋文墻一本作聳唐公房碑期聳谷口

山上王羲之女聳帖取卿爲女聳皆作聳字楊子方

言東齊間聳謂之倩風俗通怪神女新從聳家來及

唐第五公等華嶽碩碑題名皆作聳字詩有女同車

箋墻御輪二周釋文墻一本作墻儀禮士昏禮注墻

之室也釋文又云墻一本作墻左文八年傳公墻池

之封釋文又云墻一本作墻據顏光祿干祿字書云

和言錄 卷六
聳聳婿二字上俗中通下正則婿婿婿亦在通俗之
例矣

倩 卒便 平使 史記倉公列傳黃氏諸倩徐廣曰
倩者女婿也 漢書女婿曰倩 方言東齊之間婿
謂之倩郭璞曰言可假倩也今俗呼女婿爲卒便是
也卒便一作平使 老學菴筆記昭德諸晁謂婿爲
借倩之倩近世方訛爲倩助之倩

甥 館甥 爾雅妻之父爲外甥註謂我舅者吾謂之
甥然則婿亦宜呼爲甥孟子曰帝館甥於貳室是也

又稗海序吾鄉鈕石溪先生藏書至數千函子爲先生
生長公館甥故得縱觀是又連館言之

子婿 史記張耳陳餘傳趙王敖自上食禮甚卑有子
婿禮錙敬傳冒頓在固爲子婿 後漢書吳漢傳述
遣子婿史興 柳子厚祭楊憑詹事文自稱子婿稱
憑爲丈人

女婿 漢書淮陽憲王欽傳張博女婿京房 王莽傳
引光女婿甄 後漢書楊震傳乞還女婿 三國志
趙達傳女婿昨來賀齊傳張雅與女婿何雄

女夫 晉書羊祜傳祜之女夫嘗勸祜有所營置祜默

然

婿甥 王惲過劉元海陵寢詩咄嗟呼韓子崛起蒲離

陰自云漢婿甥赫怒開實沈蓋并二者而合爲一稱也

郎婿 東觀漢記萬壽公主上愛女將下嫁命擇郎婿

密親 唐書韋處厚傳治長縲緱仲尼選爲密親

半子 符載祭外舅房州李使君文意敵周親禮成半子 唐回紇傳咸安公主下嫁可汗上書恭甚其言

昔爲兄弟今爲半子 劉禹錫祭揚庶子文乃命長嗣爲君半子

嬌客 東坡和王子立詩婦翁不可搗王郎非嬌客注婿曰嬌客子立乃子由婿也 老學菴筆記秦會之有十客以婿爲嬌客 楊維禎詩兄弟不減骨肉親喜作喬家兩嬌客

東牀 宋人釋常談女婿謂之東牀晉太尉郗鑒遣門生求女婿於王導家導命來使遍觀之王氏子弟咸自矜持惟一人於東牀坦腹而臥旁若無人郗太尉

聞之曰東牀坦腹者佳婿也訪問乃是羲之遂以女妻焉後世稱婿爲坦亦卽此也 劉長卿子婿李穆詩賴有東牀客池塘免寂寥

坦牀 江鄰幾雜志曹佾太尉長秋母弟張貂者之坦牀

少婿 蘇秦傳今燕雖弱小卽秦王之少婿也

快婿 北史劉延明傳年十四就博士郭瑀瑀有女曰吾欲覓一快婿卽佳婿也

繿婿 遜齊閒覽今人於榜下擇婿號繿婿 岑參詩

君爲禁鬻婿爭看玉人遊 案晉武帝婿謂王珣曰
如真長子敬足矣珣曰謝渾不及真長不減子敬未
幾帝崩袁崧欲以女妻之珣曰卿莫近禁鬻據此則
遜齋間覽之稱鬻婿蓋本於此

猥婿 顏氏家訓近世嫁娶比量父祖計較錙銖市井
無異或猥婿在門或傲婦擅室

接腳婿 癸辛雜志旣而元杰家爲伐柯一村豪家爲
接腳婿 案徐元杰爲林喬作伐也接腳婿者其前
夫沒後更招一婿之謂

贅壻

贅壻 就壻 公羊襄十六年傳君若贅旒然注贅繫

屬之辭若今俗名就壻爲贅壻矣 漢書賈誼傳故

秦人家富子壯則出分家貧子壯則出贅注應劭曰

出作贅壻也師古曰謂之贅壻言其不當出在妻家

亦猶人身體之贅有疣非所應有也一說贅質也家

貧無有聘財以身爲質也又滑稽傳滂于髡者齊之

贅壻也 韻會男附女家謂之贅壻

布袋 猗覺寮雜記世號贅壻爲布袋多不曉其義或

以爲如入布袋氣不得出頂故名附舟入浙有一同
舟者號季布袋或問曰如何入舍婿謂之布袋衆無
語忽一人曰此語訛也昔人家有女無子恐世代自
此絕不肯嫁出招婿以補其代故謂之補代耳 潛
居錄云馮布少時贅於孫氏其外父有煩瑣事輒曰
俾布袋之至今吳中以贅婿爲布袋

入舍女婿 夷堅志隗伯山條饒州市隗千三名伯者
淳熙初年贛州門裏王小三家作入舍女婿

私婿 家語昔東夷之子慕諸夏之禮有女而寡爲納

私壻終身不嫁不嫁則不嫁矣非有貞節之義也

亡女之夫

邱壻 史記滑稽傳注孟康曰西方謂亡女壻曰邱壻

女之子

外孫 儀禮喪服總麻三月章外孫鄭注女子子之子

賈疏以女外適而生故曰外孫 春秋僖五年杞伯

姬來朝其子公羊傳何休注夫禮外孫初冠有朝外

祖之道 爾雅女子子之子爲外孫晉書謝約父重

卽王敬之外孫晉孫楚有和氏外孫道生哀文和氏

外孫小同哀文

外孝孫 唐制封贈宰相止及其父若以恩回贈不但其祖雖異姓亦及之劉總外祖張懿贈工部尙書制曰有外孝孫爲我賢輔見野客叢書

女之女

重親 史記外戚世家呂后長女爲宣平侯張敖妻敖女爲孝惠皇后呂太后以重親故欲其生子

婿之父母與婦之父母相謂

婚姻 爾雅婿之父爲姻婦之父爲婚婦之父母婿之

父母相謂爲婚姻 案婚姻二字古人實亦通稱士昏禮云某以得爲婚姻又云某得爲外婚姻之數又云某以得爲昏姻之故是婦與婿之父母並得自稱爲婚姻而二字連文並舉矣又詩云燕爾新婚則夫稱其婦亦得曰婚又云不惟舊姻則婦稱其夫亦得曰姻矣

親家 續漢書禮儀志百官四姓親家婦女 王符潛夫論權臣必以親家 三國志注引魏末傳王凌少子明山投親家食親家告吏 輟耕錄云凡男女締

姻者兩家相謂曰親家此二字見唐書蕭嵩傳 案
蕭嵩傳子衡尙新昌公主帝恆呼嵩爲親家今世俗
通呼親字爲去聲盧綸作王駙馬花燭詩云人主人
臣是親家則亦前有所本矣 案履園叢話謂今人
呼媀家爲親家始見於後漢書禮志則此稱漢已有
之固不自唐始也然荀子非相篇棄其親家而欲奔
之已有此稱但不如今所謂親家耳

親家公 親家翁 隋書李穆傳吾宗社幾傾賴親家

公而獲全耳又房陵王勇傳劉金麟諂佞人也呼定

興作親家翁 高懌羣居解頤蕭瑀對曰臣是梁朝
兒隋室皇后弟唐朝左僕射天子親家翁太宗撫掌
極歡而罷

師友

夫子 論語稱夫子者一十五處 王東澍柳南隨筆
夫子之稱始見於尙書牧誓篇蓋武王所以呼將士
也繼又見於小戴禮公叔文子卒一章則又爲君之
稱臣矣而左傳書中稱夫子者不一處如子重楚令
尹也而稱晉大夫欒鍼曰夫子荀偃魏絳皆晉大夫

也而絳之稱偃則曰夫子向戌樂喜皆宋臣也而戌之稱喜則曰夫子又季札吳之公子也孫文子衛之亡臣也而札之稱文子則曰夫子子皮子產所從受政者也而其稱子產則曰夫子師曠晉之樂師也叔向晉大夫也而向之稱曠則曰夫子康王楚君也士會晉臣也而康王之稱士會則曰夫子又案杜工部集如鄭司戶蔡著作陳補闕韋書記皆其友也而詩中悉以夫子稱之歷觀諸書而知所謂夫子者乃尊卑貴賤之通稱不特弟子之於師也獨魯論一書中

似有專屬然觀夫子之稱蘧伯玉子貢之稱棘子成
叔孫武叔則又不盡然矣近代師生必稱夫子不知
何本若以孔門爲例似近於僭若以尊卑貴賤之通
稱而稱其師又近於褻兩者固交失之聞近時遂寧
相公每戒其門人勿稱夫子殆亦以是也夫 案今
人稱師曰老夫子自是妥協乃近日各直省官署中
率以稱其幕賓初稱於名幕後乃濫及後生徒形其
醜而近人又因其醜也則於本師之稱節去老字單
稱夫子其醜益甚矣

先生 禮曲禮上從於先生注先生老人教學者韋昭
辨名古者稱師曰先生 韓詩外傳古謂知道者曰
先生何也猶言先醒也不聞道術之人則冥於得失
眊眊乎其猶醉也 賈子新書懷王問於賈君曰人
謂知道者爲先醒何也賈君對曰此博號也 通俗

編今先生之稱泛矣而教學者獨專之實合於經訓
也歸田錄吳敬夫題村學堂聯闌干苜蓿先生飯

函丈 禮席閒函丈注函猶容也講問宜相對容丈足
以指畫也又凡待坐於大司成者遠近閒三席可以

問注席廣二尺三寸三分則是所謂函丈也 顏延之皇太子釋奠詩尙席函丈丞疑奉帙 蘇軾詩老守厭簿書先生罷函丈

西席 漢明帝尊桓榮以師禮上幸太常府令榮坐東面設几故師曰西席

外傳 禮內則十年出就外傳注外傳教學之師也

傅父 七發貴人之子必宮居而閨處內有保母外有傅父

子 論語學而皇疏子是有德之稱古者稱師爲子也

又皇疏願聞子之志又孝經孔子曰釋文均稱師曰子

訓人 書康誥矧惟外庶子訓人鄭注訓人師長

師儒 周禮大司徒四曰聯師儒注師儒鄉里教以道
藝者又序官注師教人以道者之稱也

講師 後漢書禮儀志養三老五更之儀先吉日司徒
上太傅若講師

經師 人師 漢書平帝紀元始三年夏安漢公奏校
學置經師一人 漢紀童子魏照求師郭泰供給酒

掃秦曰當精義講學何勞相近照曰經師易得人師
難求 韓詩外傳五智如泉源行可以爲表儀者人
師也 荀子王制夫是之謂人師

書師 漢書藝文志閭里書師合倉頡爰歷博學三篇
斷六十字以爲一章凡五十五章並爲倉頡篇

俗師 漢書藝文志倉頡多古字俗師失其讀

受知師

受知師 歐陽脩詩受知固不易知士誠尤難

座主 張藉寄蘇州白使君詩云登第早年同座主唐

武宗會昌三年中書覆奏奉宣旨不欲令及第進士呼有師爲座主據是則座主之稱蓋始於唐

座師 顧亭林日知錄云宋末已有先生之稱而至於有明則遂公然謂之座師據是則唐稱座主宋稱先生而稱曰座師曰老師則皆始於明也

老師 薛能詩耽書未必酬良相斷酒爲堪作老師

王元美觚不觚錄嘉靖以前門生稱座主不過曰老先生而已至分宜當國始稱老翁其厚者稱夫子此後門生俱曰老師

種譜錄 卷八
舉主 端拱四年令內外官所保舉人有變節濫踰者
舉主自首免其罪

宗師 後漢書李通傳注平帝五年王莽攝政郡國置
宗師以主宗室

丈 劉克莊跋陸放翁帖余大父著作爲京教考浙漕
試呂成公卷子皆出本房家藏大父與成公往還真
蹟則云上覆伯恭兄成公則云拜覆著作丈 案尊
稱中亦敘有丈

恩門 師門 恩府 說鈴談助宋舉及第者不得呼

知舉爲恩門爲師門及稱門生 金華子崇遠猶憶
往歲赴恩門請承乏丹陽又云以恩地爲恩府始於
唐馬戴戴著書不得盡忠於恩府而動天下之浮議
書院掌教

山長 趙時中遊龍門山記有東西中三書院皆名儒
碩士授受生徒至百人置山長以領之正今之所謂
山長也 小知錄荆湘近事五代蔣維東隱居衡岳
受業者稱爲山長 宋大中祥符間嶽麓書院山長
以行義著 元史黃澤傳字楚望大德中江西行省

相臣聞其名授景星書院山長 宋史理宗景定四

年何基爲婺州教授兼麗澤書院山長又徐璣爲建

甯教授兼建安書院山長 元史選舉志泰定元年

三月中書省臣奏下第舉人仁宗延祐間命中書省

各教授官之職以慰其歸今當改元之初恩澤宜溥

蒙古色目人年三十以上並兩舉不第者與教授以

下與學正山長漢人南人年五十以上並兩舉不第

者與教授以下與學正山長惟已廢復與之復其法

始變下第者悉授以路府學正及書院山長又增取

鄉試備榜亦授以郡學錄及縣教諭於是科舉取士
得人爲盛焉 又至元二十八年令江南諸路學及
各縣學內設立小學選老成之士教之或自願招師
或自安家學於父兄者亦從其便其他失儒過儀之
地名賢徑行之所與好事之家出錢粟贍學者並立
爲書院凡師儒之命於朝廷者曰教授路府中上州
置之命於禮部及行省及宣慰司者曰學正山長學
錄教諭路州縣及書院置之路設教授學正學錄各
一員散府上中州設教授一員下州設學正一員縣

種言錄 卷六
設教論一員書院設山長一員中原州原學正山長
學錄教論並受禮部付身各省所屬州縣學正山長
學錄教論並受行省及宣慰司劄付

院長 各書院掌教向稱山長蓋自南宋後卽有此稱
自乾隆三十年已奉 諭改掌書院者之稱爲院長
則近人之仍稱山長者非矣 案嵩陽書陽王曾奏
置院長

山主 台州守正華甫建上蔡書院楊棟爲山主

洞主 南唐昇元中白鹿洞建學館以 本道爲洞主掌

其教授

學主 北史劉蘭傳瀛州刺史徵蘭講書於州南館植
爲學主故生徒甚盛

脩書使 合璧事類唐張說洛陽人上置洛陽書院聚
文學之士或脩書或待講以說爲脩書使 案此亦
山長類也

監院

直學 元史選舉志凡路府州書院設直學以掌錢穀
從郡守及憲府官試補直學考滿又試所業十篇陞

種言錄 卷六
爲學錄教諭後改直學考滿爲州吏 案此卽今之
監院也惟先由試補而考滿後得陞學縣教諭及爲
州吏則元代之制與今不同

蒙師

蒙師 湧幢小品舉亭山故元伯顏取宋屯兵之處也
村中一蒙師唐姓者年八十餘自言其家駐此六世
矣

學究 郎仁寶七脩類纂曰近世嘲學究云我若有道
路不做糊猴王據此則蒙師亦得稱學究

門客 老學庵筆記秦會之有十客曹冠一教其孫謂
之門客

典蒙 發蒙 清波雜誌皆蒙師之稱也

猴孫王 山堂肆考秦檜微時爲童子師仰束脩自給
故有詩云若得水田三百畝這番不作猴孫王

女師

女師 朱子詩承家賴女師

師氏 詩葛覃言告師氏傳疏師女師也教女之師以
婦人爲之

姆師 呂溫文姆師教之如琢美玉之易成

戊姆 表異錄漢書女師爲戊姆 廣韻集韻韻會並

莫補切同姥女師也婦人五十無子出不復嫁以婦
道教人者 左傳宋伯姬卒待姆也 案說文姆女
師也從女每聲讀若母是戊母姆姆同也

傅姆 杜牧杜秋娘詩畫堂受傅姆天人親捧持

姆傅 庾信尉遲夫人志銘姆傅習言公宮教業

內傅 西京雜記趙王如意幼未能親外傅戚姬使舊
趙王內傅趙媼傅之

娶 音阿女師也杜林加教于女也

宣文君 晉書韋逞母宋氏立講堂置生徒百二十人
隔絳紗幔而受業號宣文君

師自稱

友生 友弟 恆言錄朱存理鐵網珊瑚錄貞溪諸名

勝詞翰皆元時筆札也其紙尾署名有云友生王逢
頰首再拜有云友弟錢應庚再拜有云友弟邵亨貞
書皆施之於門下士者 湧幢小品翰林名柬字大
幾與亞卿等余在姚畫溪公家見公座主王槐野名

帖稱友生字同蠅頭

弟子

弟子 儀禮士相見禮與君言言使臣節疏書傳大夫
致仕爲父師士致仕爲少師教鄉閭子弟雷次宗云
學生事師雖無服有父子之恩故稱弟子云 史記
仲尼弟子傳贊余以弟子名姓文字悉取論語弟子
問並次爲篇 荀悅東觀漢紀張奐安坐帷中與弟
子誦書自若

舊弟子

漢書董仲舒傳孝景時爲博士下帷講誦弟

子傳以久次相授業注但就其舊弟子授業不必親見

門弟子 論語屢見

著錄弟子 後漢書張興傳聲稱著聞弟子自遠至者著錄且萬人注著於籍錄 陸陞石闕銘置博士之職而著錄之生若雲

高業弟子 後漢書鄭康成傳馬融生徒四百餘人升堂進者五十餘人康成在門下三年不得見乃使高業弟子傳授 後漢魯恭在公位選羣高弟至郡守

者數十人 案高弟卽高業弟子之謂也

高足 語林曰鄭元在馬融門下三年不能見令高足
弟子傳授而已

受業 孟子願留而受業於門 史記孔子世家弟子

彌眾至自遠方莫不受業焉 又鄒子如燕昭王擁

篲先驅請列弟子之禮而受業築碣在宮身親往事

之 晉書郭璞傳有郭公者客居河東精於卜筮璞

從之受業 王智深宋紀詔徵士周勣於東陵立學

裹糧受業百餘人

授業生 見上歐陽原功詩序狀元門

諸生 生 漢書叔孫通傳諸生曰生何言之諛也

劉長卿詩魯國諸生半在門 韓愈進學解招諸生

立館下 史記酈生傳高祖謂酈食其以萬戶封生

注師古曰生猶言先生文穎曰諸生也韓文答李翊

書愈白李生足下又愈白尉遲生足下

學生 宋王楙壙銘郭紹彭撰盧憲書張顧題蓋其結

銜上俱冠以學生其文云受業六載唐書選舉志律

學生以律令爲專業書學生以石經說文字林爲專

業 案白帖載晉嵇康將刑東市學生三千人上書請爲師則晉人已有學生之稱

高門學生 晉書涼武昭王傳立泮宮增高門學生五百人

門生 後漢書賈逵傳皆拜逵於選弟子及門生爲郎
王仁裕示諸門生詩三百一十四門生風春初長
羽毛成 白居易送牛僧孺出鎮詩何須身自得將
相是門生 五代史裴皞傳桑維翰皞禮部所放進
士也維翰已作相嘗過皞皞不迎不送人問之皞曰

我見桑公於中書庶寮也桑公見我於私第門生也
何迎送之有 案歐陽公謂漢人以親受業者爲弟
子轉相授受者謂門生後人多辨其誤然據賈逵傳
則弟子門生似小有別至六朝以來則門下客通謂
之門生其稱益濫趙氏陔餘叢考詳言之 白帖載
王褒門生爲縣役褒不囑縣令乃步擔乾飯而立路
旁磬折而言門生爲役故來送令卽放之案王褒爲
西漢時人據此則門生之稱西漢已有之矣賈逵傳
尙非其始 又案徐幹中論譴交篇曰有榮名於朝

而稱門生於富貴之家者是今拜門生之始 明人
小說有稱未面門生者又案唐逢吉知貢舉榜成未
放而入相及入第就中書見座主時謂好腳迹門生
私門生 南史姚察傳嘗有私門生不敢厚餉
及門 元史許謙傳及門之士千餘人

門下 淮南子道應訓昔者公孫龍在趙之時謂弟子
曰人而無能者龍不能與游有客衣褐帶率而見曰
臣能呼公孫龍顧謂弟子曰門下有能呼者乎

門下士 韓愈詩我實門下士力薄蚋與蚊 蘇軾詩

醉翁門下士雜沓難爲賢

門下生 後漢書桓榮傳榮薦門下生九江胡憲侍講

門童 小知錄隸釋謂漢儒開門授徒親授業則曰弟

子次相傳授則曰門生未冠則曰門童

徒 論語非吾徒也

門徒 西京雜記子雲曰孔子門徒游夏之儔所記以

解釋六經者也 案謂爾雅

生徒 潘岳閒居賦祁祁生徒 裴景仁前秦記韋逞

母宋氏傳其父業得周官音義自非此母無可授後

生於是就宋立講室書堂生徒百二十八

學徒 後漢書鄭康成好學日夜詩誦未嘗怠倦學徒
相尋數百千人

學子 墨客揮犀有先生爲學子不欲束脩自往詣之
學子閉門不接

小子 見論語

小生 漢書朱雲傳薛相爲丞相雲往見之宣備賓主
禮謂雲曰且留我東閣可以觀四方奇士雲曰小生
乃欲相吏耶又張禹傳新學小生亂道誤人宜無信

用

僕 莊子則陽篇仲尼曰是聖人僕也注猶言聖人之徒也

先輩 李方叔東坡門人也坡與書稱爲先輩 白居易

易有贈新登科先輩詩 案李肇國史補云進士爲

時所尙久矣由此而出者終身爲文人其都會謂之

舉場通稱謂之秀才投刺謂之鄉貢得第謂之前進

士互相推敬謂之先輩俱捷謂之同年有司謂之座

主據此則先輩之稱蓋始於唐此乃弟子與弟子自

和言金 卷八 四
相稱也

都講 後漢書侯霸傳師事九江太守房元治穀梁春秋爲元都講

父之師 師之師

太老師

敏求軒述記洪稚存書遺事云翁學士

方綱

與武虛谷

億

有淵源武顧不喜之殿試對策

保和

殿日晡翁派收卷亦在殿謂武曰汝爲我小門生知之乎武忿怒抵几起曰此豈認太老師處乎 案大

老師小門生是

本朝稱謂經史罕可引證者只可

以本朝掌故證之惟前人亦有門生門下見門生之句及楊嗣福率生徒迎父此卽太老師小門生故事但此二者不必辨爲何項耳五代史裴皞傳宰相馬允孫桑維翰皆皞禮部所放進士也後允孫知舉放榜引新進士詣皞皞喜作詩曰門生門下見門生又唐書楊嗣復傳嗣復領貢舉時於陵自洛入朝乃率門生出迎此兩條禮闈故事案今未入進士於座主房官之坐主房官稱太老師如太老師係翰林前輩則自稱門下晚生

太先生 唐書元結傳結卒年七十六門人私稱曰太先生案今之稱太老師亦有稱太先生者本此

師之父 師之妻

師祖 師母 魏叔子師友行輩議德業之師以父道事之師之父尊其稱曰祖師之妻尊其稱曰母此名之不可殺者也

小門生

小門生 七脩類藁以弟子復傳於人爲門生是則今之小門生耶

門下門生 裴皞詩三主禮闈年八十門生門下見門
生 山堂肆攷宋王元之謫黃州蘇易簡知貢舉適
放榜奏曰元之名儒今將行欲令榜下諸生送於郊
上可其奏諸生郊別元之謂狀元孫何曰爲我多謝
蘇公口占一絕云綴行相送我何榮老鶴乘軒愧谷
鶯二入承明不知舉看人門下放門生

門下晚生 詞林典故師之父亦稱太老師自稱爲門
下晚生與師之師及父之師並同其太老師之師不
叙師生禮

瓜蔓抄 永樂族景清轉相支連九族之姻親門生之門生名瓜蔓抄又見小知錄

師之兄弟

師伯 師叔 魏叔子師友行輩議師伯叔者俗稱也何也師之兄弟有可以爲吾弟子者則分非一定也師之子以兄弟視之常也然師有以門人爲其子師者故學與齒相去也遠而師視其門人如至友則師之子可事以父執

師之子

師兄弟 崔峒有潤州送師弟自江夏往台州府

太老師之子

世叔 詞林典故翰林於太老師之子稱世叔如係前輩稱通家世晚生或通家世侍生不稱世姪

師與弟之父兄相稱

通家 漢書孔融傳膺請融問曰高明祖父嘗與僕有恩舊乎融曰然先君孔子與君先人李老君同德比義而相師友則融與君累世通家 冬夜箋記載明人往來名刺世交則稱通家

通家晚生 詞林典故凡兄弟之師亦稱師兄於弟師屬前輩者無論科分稱通家晚生弟於兄師同門生稱

狎客 避暑漫抄丁襪以通家爲狎客

祖之友

祖執 大父行 執者言所執禮也又曰大父行行列也鄭當時有才德祖執之輩與爲友故謂其友皆曰大父行

祖舊 管子順民之經在明鬼神祇山川敬宗廟恭祖

舊

父之友

父執 曲禮見父之執注父同志者 杜甫詩怡然敬

父執問我來何方

諸父行 晉書禮志父之執友有如子之禮亦稱諸父
行

大伯 大叔 米芾與人帖承借贖員其人不自稱
曰張大伯是何老物輒欲爲人父之兄若爲大叔猶
之可也

種譜錄 卷八
老伯 老叔 兩般秋雨菴隨筆今人於父執率稱老
伯舅氏華春濤先生則必比較年齒長於父者曰老
伯少於父者曰老叔截然不可紊也

先友 東坡志林先友史經臣字彥輔眉山入與先子
同舉制策

父客 書敘指南父之賓友曰父客子之賓友曰子客
丈人 丈人行 講藝記丈人吾父之友 漢書匈奴
傳漢天子我丈人行

朋友

朋友 周禮地官大司徒注同師曰朋 公羊同門曰

朋同志曰友

友執 晉書王導傳導與元帝契同友執

友生 詩矧伊人矣不求友生

友舊 皇甫湜韓愈墓誌族姻友舊必待我然後衣食

嫁娶喪葬

老友 宋史蔡元定傳元定聞朱熹名往師之熹叩其
學大驚曰此吾老友也不當在弟子列

小友 唐書李泌傳張九齡與嚴挺之蕭誠善挺之惡

和言金
卷八
誠佞勸九齡謝絕之九齡獨念齡太苦勁蕭輒美可
喜方命召蕭泌曰公起布衣以直道至宰相而喜輒
美者乎九齡驚改容謝之因呼小友

知己 韓詩外傳載管仲曰生我者父母知我者鮑叔
士爲知己者死馬爲知己者良

心期 文選中道遇心期案心期謂心約之友也

刎頸交 漢書張耳陳餘傳相與爲刎頸交又廉范傳
范與洛陽慶鴻爲刎頸交時人稱曰前有管鮑後有

慶廉

忘年交 南史何遜傳遜弱冠舉秀才范雲見其對策
大相稱賞因結忘年交 案初學記引張隱文士傳
曰禰衡有逸才少與孔融作爾汝交時衡未滿二十
而融已五十敬衡少秀忘年殷勤則忘年交之稱蓋
本於此

莫逆友 梁書何點傳與陳郡謝瀟吳國張融會稽孔
稚圭爲莫逆友 案莊子載子祀子輿子黎子來四
人相視而笑莫逆於心今人稱友曰莫逆蓋本於莊

子

和言錄 卷八
面朋 面友 法言朋而不心面朋也友而不心面友也

世誼

世講 官箴同僚之契交承之分有兄弟之義至其子孫亦世講之前輩專以此爲務今人知之者蓋少矣

世舊 唐書杜甫傳嚴武再師劔南表爲參謀檢校上
部員外郎武以世舊待甫甚善 王索傳帝曰朕真
宗皇帝之子卿王旦之子有世舊非他人比也 蘇
軾詩文舉與元禮尙得稱世舊

紀羣交 魏志陳羣傳魯國孔融高才倨傲年在紀羣
之間先與紀友後與羣交更爲紀拜由是顯名 北
史陸印傳印善屬文甚爲河間邢邵所賞邵又與印
父子彰交遊嘗謂子彰曰吾以卿老蚌遂出明珠意
欲爲羣拜紀可乎 案此皆紀羣交也

年誼

同年 國史補俱捷謂之同年 徐夔贈垂光詩他時
黃閣調元處莫忘同年射策人 蘇軾傳通家不隔
同年面得路方知異日心 許渾詩甘心不及同年

友又東坡詩吾州同年友粲若琴上心 日知錄今
人以同舉爲同年唐憲宗問李絳曰人於同年固有
情乎對曰同年乃九州四海之人偶同科第或登科
然後相識情於何有然穆宗欲誅皇甫鎛而宰相令
狐楚蕭俛以同年進士保護之矣 案吳志周瑜傳
言堅子策與瑜同年步騭傳言與廣陵衛旌同年此
當是年齒之年

先後同年 王士正古夫于亭雜錄前輩如以甲子科
舉者猶及見後甲子科則與新榜中式爲同年此余

幼聞諸先祖方伯贈尙書府君者

同歲 風俗通南陽五世公爲廣漢太守與司徒長史
段遼叔同歲又與東萊太守蔡伯起同歲又云蕭令
吳斌與司徒韓演同歲 三國志魏武帝紀公與韓

遂父同歲孝廉 漢敦煌長史武班碑金鄉長河閒
高陽史恢等追維昔日同歲郎署 孝廉柳敏碑縣

長同歲犍爲屬國趙臺公 晉書陶侃傳侃與陳敏
同郡又同歲舉吏 案所云同歲皆卽今之同年也

同歲生 後漢書李固傳穎川甄邵諂附梁冀爲鄴令

有同歲生得罪於冀亡奔邵僞納之陰以告冀冀捕殺之

年家 冬夜箋記載明人年誼稱年家後則無論有無科第俱稱年家

同門

同門 易朋友講習疏同門曰朋 後漢書盧植傳植少事馬融與鄭康成同門相友 白居易詩平生同門友通藉在金闈

同門生 後漢書王丹傳丹子有同門生喪親

同譎

如兄 如弟 淮南子上視下如弟則下視上如兄

仁兄 後漢書文苑傳趙壹答皇甫規云實望仁兄

拜親友 白帖載荀顗王濟何劭爲拜親友殆如今所

謂盟兄弟乎